

**Ombudsmandip 2023-mut nalunaarusiaanik Inatsisartut tusaatissatut tigusinissaannik, Inatsisartut aalajangiiffigisassaattut siunnersuut**  
(Inatsisinut Ataatsimiititaliaq)

**Akissuteqaat**

(Naalackersuisut Siulittaasuat)

**Siullermeerineq**

Aallarniutigalugu 2023-mut nalunaarusiamut Inatsisartut Ombudsmandiat qutsavigaara, Gedion Jeremiassenillu atorfimmini ukiumi siullermi naammassisaanut immikkut qutsavigalugu.

Naalackersuisuni, kommuninilu allaffissornikkut suli unammillernartut nalunaarusiami nassuiaatigineqarput, tassani sulianik suliarinnittarneq aammalu suliat suliarineqarnerini piffissat atorineqartartut pisortat allaffissornerini eqqumaffigineqartussat suli annersaraat.

Ombudsmandip siusinnerusukkut nalunaarusiai tunngavigalugit, Naalackersuisut kommunit suleqatigalugit suliniutissat ukiuni kingullerni aallartissimavaat.

Allaffissornermi atugassarititaasut pitsanngorsarniarlugit suliniutit Naalackersuisut aamma kommunit aallartissimasaannikt, siorna Ombudsmandip nalunaarusiaanut Naalackersuisut akissuteqarnermini ersarissaapput. Digitalikkut sakkussat nutaat, suliassaqarfinnut eqqugaasunut inatsisitigut iluarsisuteqarfiusunut suliat suliarineqartarnerat, sulisunillu ilinniartitsinerit suliniutit taakkua ilagaat. Naalackersuisut naatsorsuutigaat, suliniutit taakkua kingunerisaannik suliat suliarineqartarnerini piffissaq atorineqartartoq ukiuni qaninnerusuni sivikinnerulissasoq, soorlutaaq suliat suliarineqartarnerisa pitsaanerulerneranik kinguneqassat.

Ilinniarsimasunik sulisussaaleqineq unammilligassat annertunersaasa ilagaat, tamannalu ajorluartumik sulisut suliaqarnerulersittarpei, taamaalillunilu aamma suliat siviuserusumik suliarineqartarnerinik, suliallu kukkusumik suliarineqartarnerinik malitseqartarluni. Tamatuma sunniutigisai, suliani Inatsisartut Ombudsmandiata ukiumoortumik nalunaarusiamini erseqqissarlugit oqaatigisaanni aamma eqqaaneqarput.

Kommunini suliat suliarineqartarnerini massakkut pisut atasinnaanngitsut Naalackersuisut miserratiginngilaat, taamaattumillu kommunit aamma Naalackersuisut akornanni akisussaaffiit agguarneqarnerat ataavartumik isumaliutersuutigeqqissaartassallugu, pisariaqarpallu naleqquttunik suliniuteqarnikkut akisussaaffiit agguataarnerat naleqqussartassallugu. Tamatuma saniatigut malittarisassat kommuninut atoruminarnerulersikkumallugit, malittarisassatpisariillisarneqarnissaat, naleqqussarneqarnissaallu ukkataralugit, inatsisit misissortarnerat iluarsaattarnerilu Naalackersuisut ingerlatiinnassamaarpaat.

Naggasiutigalugu pisortat ingerlatsiviinut atugassanngorlugu oqartussanut ilitersuutip tamanut saqqummiunnissaanik Ombudsmandeqarfiup annertuumik suliaqarneranut Naalackersuisut siorna qujareeraluarlutik qujaqqipput. Tassani pisortat ingerlatsinerinut

inatsimmut, ingerlatsinikkulluunniit ileqqorissaarnissamut tunngatillugu qulequttat pingaarnerit paasiuminartumik sammineqarput.

Naalackersuisut taamatut oqaaseqarlutik taperserpaat, Ombudsmandip 2023-mut nalunaarusiaa Inatsisartut tusaatissatut tigussagaat.